

# L'ESSOR FASO KUMAKAN

SIBIRIDON, OKUTOBURU KALO TILE 27, SAN 1984

## "CEAO" jamana kuntigiw ka kunbèn 10 nan


Nin ye "CEAO" jamana kuntigiw n'a lafasabagaw ye, minnu bëna nyogon kunbèn Bamakò, u ka tōnsigi 10 nan baaraw hukumu kònò, minnu kunnafoniw bëna bò "FASO KUMAKAN" nataw kònò. hakililajigin siratigè la, "CEAO" ye Afiriki tilebinyanfan jamana 6 ka sòrò jiidili jèkulu ye, min sin-sinan ye jèkabaara ni bolodinyogonma ni teriya ni lakanani walew ye.



Peresidan T. SANKARA



Peresidan H. BUWANYI




Peresidan U. HAYIDALA




Peresidan M. TARAWELE



Peresidan S. KUNCE




Peresidan A. JUFU



Peresidan M. KEREKU



Peresidan L. KONTE



Peresidan N. EYADEMA

## Kowèti ni Yugòsilawi lasigidenw ka yamaruya sèbènw

Mali peresidan, zeneral Musa TARAWELE ye kowèti ni yugòsilawi jamanaw lasigidenw bisimila faso togolaso la, jumadon, okutoburu kalo tile 19, san 1984.

Kowèti lasigiden y'a ka nisondiya jira a sugandili la a ka jamanaw lasigidenya la Mali kònò. a ke, k'a n'a seko dama jira kë teriya ni badenya sira sinsinna, Mali ni kowèti cè, cèsira min ntù-

loma ye silamèya diinè ye. A b'a nyini Ala fè, an dabaga masa ka dò fara an ka jamanaw fila ka jèkabaara ni bolodinyogonma kan.

A ka jaabi kònò, zeneral Musa TARAWELE y'a jira ko Mali ni kowèti cèsiraw té biko ye, k'o sababu bò silamèya diinè basigili la jamanaw fila kònò;

Mali peresidan ko, ko kowèti ni Mali ka jèkabaara waleyara

sira caman kan, i n'a fò, kowèti ye dèmè min lase Mali ma sellenge babili baara la ani Seware ni Gavo cè siraba dilanni ni Senegali babolo donni da la.

Mali pariti "UDPM" sekeretèri zeneral ni jamanaw kuntigi y'a jira ko ni Ala sonna, a ka jamanaw n'a jéniyorò fin hèrè ni bèn basigili la Iran ni Iraki kònò; bawo Mali jorèlen don bi kosèbè

silamè jamana fila ninmu, ka fonyogonkòla.

O tèmènen kò, Yugòsilawi jamanaw lasigiden ni zeneral Musa TARAWELE ye nyogon kumanyogonya. O baro sen fè, u fila bée y'u ka jamanaw haminankobaw jira nyogon na, minnu bée ye kelen ye, bawo u jelen don jèkulu kònò, min tòn jamanaw tugulen tè jamanaw kelen si ka politiki la.

Peresidan Musa TARAWELE ni Yugòsilawi lasigiden ye dò fò dinyè gèleyaw kan, minnu ka kan k'u ka bolodinyogonma ni jèkabaara lawèrè jamanaw fila ka nyètaa sabatili sira kan.

Zeneral Musa TARAWELE y'a ka kuma kuncè ni malidenw ka foli ni walenyuman-dén ye ka nyèsin Yugòsilawidenw ma, u ka dèmè nafama la Mali sòrò bilali la sira nyuman kan.

## Saharawi peresidan ka tile kelen taama Mali kònò



PERESIDAN MOHAMEDI ABUDELAZIZI ANI PERESIDAN MUSA TARAWELE BE K'U KA WASA NI NISONDIYA JIRA, U KA BENKANW KAN, DA SERA MINNU MA. TERIYA ANI SIGINYAGONYA TAAMA IN SEN FE.

Mohamèdi Abudelazizi, saharawi jama-na kuntigi ni Polisiyo Pariti Sekeretèri zenerali ye tile kelen taama k'an bara taratadon, ôkutoburu kalo tile 16, san 1984.

A kumbenna, Bama-kò, senu awiyonjiginkènè kan Pariti "UDPM". Sekeretèri zenerali dankan zenerali Amadou Baba JARA ni Pariti nyèfèton "BEC" ni goferènama nyèmogòw fè ka fara mògoba wèrèw kan.

Saharawi Peresidan y'a ka nisondiya jira a donni na a "FASO filanan" kònò, n'o ye Mali ye. A y'a nyini an ka jama-na fè, an ka temè n'an ka cèsiri ni timinandiya ye, wala-sa gèleya min bë saharawi jamana kan, u ka mara kònò, o ka se ka latèmè konyuman hèrè kònò. A da sera Mali jòyòrò ma Moritani ni saharawi madonni nyögón na siratigè la, o kò, a ye foli ni tanuli kè "UDPM". Sekeretèri zenerali ye a ka cèsiri la, bén ni lafi-ya ni hèrè basigili-ko la Afiriki yòrò nyagaminenw kònò,

sanko saharawi ni Cadi jamana fanfè-la.

A nadon kelen na, an ka jamana faaba kònò, saharawi Peresidan bisimilala Pariti "UDPM" Sekeretèri zenerali ni Mali jama-na kuntigi zenerali Musa TARAWELE fè. Jamana nyèmogò fila, y'u hakili jakabò Afiriki bilama wale gèlènw kan, sanko jamana wèrèw sòròdasiw wulili kabò Cadi dugukolo kan ani Afiriki kelenya tònba "OUA" ka lajèba 20 nan, min bëna kè ssorin ni saharawi ka kan ka y'o kènè kan.

U ye dòonin fò jama-na fila ka jèkabaara fana kan. Barosèn fè, Mohamèdi Abudelazizi y'a jira ko Afiriki jamana kuntigè bëe ka kan ka wale jateminè, k'a lajè ji nyèmajolen na, n'o ye Maroku jamana banni ye "OUA" ka lajèba 19 nan feèrè sirilen ma, min nyèsinnen don hèrè basigili ma Afiriki kenyèka n'a tilebinyanfan jama-na ni nyögón ce.

## Karimu BANBA ye dinyè to

Balikukalan ni kibaru kanubaga nyuman ani joyila cikèlaw jigi kasimu BANBA ye dinyè to ôkutoburu kalo tile 3, san 1984, k'a si to san 32 la.

Kasimu BANBA, n'a wolola Bafulabe, mè kalo tile 3, san 1952, a y'a ka dinyèlatigè bëe kè an balima kungo kònò mógo dèmèni la.

Funankènin in y'a ka baara daminè ni bagandogòtòròya ye Gundamu. kabini o waati, a y'a nyini ka dò fara a ka dònniya kan, walasa a ka se ka dèmè na-fama lase an ka dugumisènw sigibagaw ma, n'elu ye cikèlaw ni baganmaralaw ye.

Ala ye san 4 kalan min nogoya a ye e siratigè la, o kuncèlen, a m'a tò to a sigiyòrò mógo, n'o

ye joyilakaw ye, olu sònni la hakili nyuman na sòrò ni hadamadenya walew yiriwalicogo la u bara.

A ka kònònandiya ni laadiriya kèra sababu ye ka joyilakaw tègè f'a la, k'a k'u den n'u balima n'u teri ye.

O kèrè fè, nansara kenyèrèye minnu bë ka joyila mara dèmè a ka nyètaa ni bônogòla sabatili la, n'o ye Olandi jamana funankèninw ye, ko "AVN", Kasimu BANBA ye sira nyuman don olu ka jekulu kòrò, a ka baara kécogo, nyuman na.

Kibarusò ni bali-kukalanso mógo ka fara joyilakaw ni "AVN" baarakèlaw kan, an bëe lajèlen ka dugaw bë ka taa fure n'a komogòw ye, Ala k'an hinè a la, k'a dayòrò suma, k'a ka kewale nyuman sara kè Alijinè ye.

## musoya baaraw kòròtali walew

Baloko nyuman man-kutundon, n'o bënnna ôkutoburu kalo tile 16 ma, san 1984, o kèra sababu ye ka muso. Jòyòrò dantigè sènèfènko ni denbaya baloko nyuman na, sanko kungo kònò mu-so, bolofa bë min ka baara kan, so ani kungo.

O jòyòrò dantigèli kumaw nyèfòra lajè dò sen fè, min kèra Mali musow ka tònba, "UNFM" nyèmogòw nyèna ani kènèyako ni hadamadenyakow mini-

siri. A kumaw nyèfòra Madamu kulubali Asitan GOLOGO de fè, n'ale ye nyinini këlla ye cikèbaaraw na-fakow jateminèyòrò la, n'o ye "IER" ye.

Kabini lawale la, muso bë sègèn min na, denbaya ani forèkèni dògòjòyòrò la, da sera o sègèn ma, k'a jira, k'o ye fèn ye, min ka kan ka kòròta, ka ladiya, ka nogoya, i n'a fò, k'a nafa bëna sègèn hakè ma, sòrò diyabòli cogo

nyuman sira fè.

Musow ka baaraw labènniko fana nyèfòra sòròdaw kònò, bawo, a jirala ko musow ka ca ni cèw ye, k'o de kòson, musow ka kan ni labèn ani dèmè ye, wala-sa nafa caman ka sòrò u ka walew la; ko musow ka kan, ka lamèn, k'u haminan-kow dòn, lafiya sira kan; k'olu minnu ye baara fanba kùbagaw ye, olu de ka kan, ka k'a tòno dunbaga fòlòw ye.

